

1897

ԹԻԻ Բ. ՓԵՏՐՈՒԼԸՐ

ԵՐԵՎԱՆԻՐՈՎ ՏԱՐԻ

# ՄԱՐԿՑ



ՏՊԱՐԱՆ Մ. ԱԹՈՒՈՅ Ս. ԷՋՄԻԱԾՆԻ.

կուլթիւն մօտ 10,000 հայ և ասորի տառապեալ պանդուխտների համար, որոնք Ճաճկաստանի սահմանին կից Պարսկաստանի հողումն են այժմ և նեղութեան մէջ են: Բացի այդ Փրանկֆուրտի և Բեռլինի յանձնաժողովները կուղարկեն Հայաստան գերմանացի կանայք, մանաւանդ բժիշկներ:

Պաստոր Լօճմաննի և պաստոր Լեպսիուսի ինչպէս և հետեւեալ բանախօսութեանց մասին եղած խօսակցութիւններից երեւաց, որ բոլորը միաբան են հայ քրիստոնեաների հալածմանց պատճառների, ինչպէս և տառապանքների առաջն առնելու եղանակի նկատմամբ: Բանախօսութիւններն էին. «Նչպէս կարող ենք ամենալաւ կերպով Հայաստանում սովի առաջն առնել» (պաստոր Յելլէր). «Հայաստանում քրիստոնեաների հալածանք է թէ ոչ» (պաստոր լից. Վերէր). «Նչպէս պէտք է 20,000—30,000 հայ որբերին խնամել» (պաստոր Զիբոլդ), և «Աւետարանական միսսիան Արեւելքում» (պաստոր Քիսսելհօֆֆ):

Երկօրեայ բանավարութիւնից յետոյ երեւաց, որ հետեւեալ հիմունքներով պիտի ղեկավարուին.

1. Եթէ մենք արդիւնաւէտ կերպով մրցել ենք կամենում Հայաստանի սովի առաջն առնելու համար, պէտք է ամենից առաջ պահանջենք, որ վերջապէս այժմ հայոց չարչարանքները դադարեն, և մի կերպ խաղաղութիւն հաստատուի փորձանքի ենթարկուած նահանգներում: Մեր գործը Պանսլեան 1 պարագիւն աշխատութիւն կլինի, եթէ մենք այս խնդրում ոչինչ ձեռք չբերենք:

2. Մեր օգնութեան գործում պէտք է առաջնորդուինք այն սկզբունքով, որ վհատուած բայց կենսունակ և փութաջան հայ ժողովուրդին ինքնօգնութեան միջոցներ տրուին:

3. Աստի մեր քանքերն սկզբունքով պէտք է ուղղուած լինին ոչ այնքան առանձին տառապեալների, ուրեմն առանձին առանձին որբերի՝ իրենց նեղ վիճակից ազատելու, այլ աւելի հայ ազգի ընդհանրութեան օգնելու: Տառապանքի դէմ պէտք է կռուենք նոյն իսկ տառապեալ երկրում, որպէսզի այս հին քրիստոնեայ ժողովուրդը իւր բնիկ երկրում կենդանի մնայ:

4. Բացի սովեալներին և ցրտատարներին սնունդեան կարևոր միջոցներ, զգեստներ և անկողիններ հայթայթելուց, կարևոր է թշուառացած գաւառներում օգնել մարդկանց, որ իրենց աւերակ դարձած աները նորոգեն, Արմացու և գործիքներ պէտք է ձեռք բերել և արհեստագիտական ձեռնարկութիւններով աշխատանքի միջոց տալ: Օգնու-

թեան այս գործը պէտք է ղեկավարեն և սորա վերայ հսկեն Եւրոպացի տղամարդիկ և կանայք:

5. Մեր գերմանական օգնող զաշնակցութեան համար արդէն ճանապարհը ցոյց է տրուած. մի քանի կենդրոնական կայարաններում, ուր արդէն որբեր են ընդունուած, պէտք է բաւական թուով գերմանացի գործիչներ նշանակել և այն տեղերից սկսել շրջակայ գաւառներում գործել:

6. Եւ որովհետեւ թուրքոյ սահմանակից երկրներում ևս փախտականների մէջ սով է տիրում, ուստի այս տառապեալներն էլ օգնող զաշնակցութեան պաշտպանութեան կարօտ են:

7. Օգնութիւնը պէտք է արագահաս լինի. Համաժողովի երկօրեայ բանավարութիւնից յետոյ յունուարի 13-ին երեկոյեան Բարմէնի և Ելբերֆէլդի հինգ զանազան եկեղեցիներում և զահլիճներում միաժամանակ եկեղեցական համախմբութիւններ տեղի ունեցան, ուր 8000—10000 արտակարգ բաղմութեան առաջ ոմանք խօսեցին հայ ժողովրդի տառապանքի և աւետարանական եկեղեցու պարտականութեան մասին, այդ կարիքի դէմ օգնութեան ձեռք կարկառելու: Յունուարի 14-ին ճաշից յետոյ պաստոր Լօճման կանանցից մի ժողով կազմեց աւետարանական ընկերութեան ընդարձակ զահլիճում, ուր անեղ ձգելու տեղ չկար և ուր նա մի ղեկուցումն տուեց. «Հայաստանին օգնող կանանց զաշնակցութեան» մասին:

Համաժողովի բոլոր մասնակցողները երկօրեայ խրախուսական բանավարութիւնից յետոյ հեռացան Վուպպերի հովտից այն համոզմամբ, որ օգնող զաշնակցութեան և հայոց գործի բարեկամների շնորհիւ աւետարանական եկեղեցու բոլոր մասերում իսպառ խղուած է այն կապանքը, որ ցարդ պղտոր աղբիւրներից օգտուող մամուլի շնորհիւ կաշնակուած էր Պերմանիոյ հասարակական կարծիքը:

ՏԱՍՆ ԿԻ ՎԵՅ ԶԱՅՆ ԵՐԿԵՅՈՂՈՒԹԻՒՆ  
ՊԱՏԱՐԱԳԻ:

Բերլինի Singakademie-ի (երաժշտական մի հաստատութիւն է, ուր երգեցողական երեկոյաններ են լինում. ունի իւր յատուկ երկսես երգեցիկ խումբը) տեսուչ Բլումների (Professor Dr. Martin Blumner) ղեկավարութեամբ տասն և երեքերորդ անգամ երգուեցաւ Փրէլլի (Eduard Grell) յօրինած տասն և վեց ձայն պատարագը, Այս երկը յայտնի է երաժշտական աշխարհին Missa solennis für 16 Stimmen անունով, Երկու շարաթ առաջ լրագրերի և սիւնների վերայ կպցրած յայտարարութիւններով հասարակութեան տեղեկութիւն էր տրուած. կարճ ժամանակում բոլոր տոմսերը գնուեցան: Singakademie-ի եռայարկ հանդիսարանը լի էր հասարակութեան երկսես ընտիր դասակարգով:

1. Եղիպտոսից փախած Արգոսի թագաւոր Դանայոսի 50 զուտորներն իրենց ամուսիններին սպանելու պատճառով դատապարտուած էին յաւիտեան Մանդարամետում ընդ զոքսն մի ծակոտուած տակաւ: Դանայոսն աշխատութիւն, նշանակում է որքան սպաքսին աշխատութիւն:

Պատարագը գրուած է 16 մարզու ձայնի համար, առանց նուագածութեան մասնակցութեան, մէջ ընդ մէջ բարեխառնած 1—16 ձայն երկսեռ խմբակներով (solo): Պատարագը բովանդակուած է եօթն կտոր խօսքերը լատիներէն պատարագամատոյցիցն են առած:

1. Kirie eleison (Տէր ողորմեա).—2. Kriste eleison (Քրիստոս ողորմեա).—3. Kirie eleison.—4. Gloria in excelsis Deo (Փառք ի բարձունս, մինչև ելյաթնայն ժամը).—5. Credo in unum Deum (Հաւատամք ի մի Աստուած): 6. Sanctus, Sanctus, Sanctus (Սուրբ, Սուրբ, Սուրբ).—7. Agnus Dei (Գառն Աստուծոյ):

Գէօթէն երաժշտութիւնը համարուած է մարդու համար եզակի, աստուածապարզ և շնորհ, Յիւրաբի Missa Solemnis-ը իւր սրտաբուզի, զեղուն, վեհաշունչ քաջամայն ներդաշնակութեամբ ամենափայլուն կերպով արդարացնում է այդ գաղափարը, Այն ամենը, ինչ որ գեղեցիկ է և հրաշագան երկրիս վերայ, միացնում է կարծես իւր մէջ երաժշտական այս զօրաւոր երկը ազատ գեղգեղանքներով վեր ասնելու, երկնային հետ զուգորդելու համար:

Երեք տէրողորմեաները սկսուում են մեղմիկ միայնակ երգեցողութեամբ, որ մերժ ընդ մերժ բարեխառնում է ամբողջ խումբը:

Ննչպիսի վեհագոյն, հիասքանչ վայելչութեամբ վեր է սլանում ապա Փառք ի բարձունս. ինչպիսի երկիրդածութեամբ և յուսով թրթռում է քրիստոնէի սիրտը, երբ Հաւատամք-ի Հնարաբեալ, խաչեալ, թաղեալ, խորխորհուրդ խօսքերը տիրայոյզ պիքներով պատում են նորան. ինչպիսի զուարթութեամբ և բաւականութեամբ լցուում է հօգին և ինքնաբեր ուրախախիթ ժպիտ է ցօլում գէմբի վերայ, երբ լսում է յարութեան փողը:

Բայց հայ մարդու ուրախութիւնն աւելանում է և կուրծքը փքուում է արգար հպարտութեամբ, երբ լսում է Սուրբ, Սուրբ, Սուրբ Տէր զօրութեանց, սրբաբանական փառաբանութիւնը. նա մոռանում է բոլոր նախկին տպաւորութիւնները, առ ժամանակ, առանց զգալու թէ ի՞նչ է կատարուում իւր շուրջը, սեղափոխուում է հոգևակն հաստահիւրն, անասան Առսոյ Մօր՝ Մայր ամուս. Ս. Էջմիածնի սրբազան կամարների տակ, և լսում հայ քրիստոնէի երգած Սուրբ, Սուրբ, Սուրբ. . . և հրեշտականուազ մեղեգին ազգային ներդաշնակութեամբ, հաւատակիցների երգակցութեամբ միայն խնայեալ վերացնում է նորան, շատ բարձր, Ամենակալի Աթոռի առաջ հանում, կայելով նաև նորա համար երկինքն ու երկիրը:

Ա՛յսաննա ի բարձունս:

Կում. Վ.

Ա Մ Ե Ր Ի Կ Ա.

ՄԵՍՈՒՆԱՐՆԵՐԻ ԳՈՐԾՈՒՆԵԼՈՒԹԻՒՆԵՐ ՏՆՃԿԱՍՏԱՆՈՒՄ\*

4. Պօլսից ստացուած տեղեկութիւնների համաձայն Հայոց պատրիարքարանին գանգատներ են հասնում Ցաճկաստանի և Հայաստանի զանազան կողմերից՝ այն եղանակի նկատմամբ, որ գործ են գնում ամերիկական միսիոնարները, կոտորածների զոհ թշուառ հայերին օգնելու համար Ամերիկայից ուղարկուած նպաստները բաժանելիս, Հաստատ յայտնի է, որ միսիոնարները օգուտ են քաղում հայ քրիստոնեաների թշուառութիւնից, նիւթական օժանդակութեանց միջոցաւ ստիպելով նոցա բողոքականութիւն ընդունելու, նպաստները առանց անկողմնապահութեան չեն բաշխուում, այլ տարբերութիւն է գրուում իրենց դարձած բողոքականների և Հայոց հին առաքելական եկեղեցուն պատկանողների մէջ: Այսպիսով նոքա՝ որոնք զանկանում են մասնակից լինել Ամերիկայից ուղարկուած օժանդակութեան բարիքներին, ստիպուած են բողոքական դառնայ, կամ գոնէ ձևանալ, որպէս զի հաճելի լինին միսիոնարներին.—Այդ յիշուի մի ծանր մեղադրութիւն է միսիոնարների դէմ, բայց ովքեր նոցա ի մօտոյ ծանաչել են կամ տեղեակ են նոցա գործունէութեան եղանակին, դարմանալու ոչինչ չեն ունենայ, ուրիշ կերպ սպասել նոցանից դժուար էր: Նոյնն արին նոքա տարիներ առաջ մի ուրիշ առթիւ՝ մինչ տիրում էր 1878 թ.-ի սոյքը, Սակայն մեր զայրոյթն այժմ աւելի մեծ է, քանի որ այդ եղանակը նոքա գործ են գնում այնպիսի մի ժամանակ, երբ հայերը զոհ են ո՛չ թէ բնական արհաւիրքների, այլ կրօնական հայածանքի՝ Յիսուս Քրիստոսի անուան համար.—Ուրախ եմ իմանալով, որ Օրմանեան պատրիարքը, Ցաճկաստանի Հայոց եկեղեցական և քաղաքական զլուխը, ուշադրութեան է առել անյայտազ այդ զանգատները և վճռել է ձեռք առնել կրկին նպաստների բաշխման գործը, որ այնպիսի արիութեամբ յառաջ էր տարել նախկին Եղմիրեան պատրիարքը և իւր յանկարծակի հրաժարմամբ անցեալ օգոստոսին ընդհատելու ստիպուել, Եղմիրեան պատրիարքը ժողովեց և բաժանեց աւելի քան 100,000 դլ. առանց անտեղի փողահարութեան և աղմուկից ցոյցերի, Յուսալի է, որ նոյնն անէ նաև Օրմանեան պատրիարքը՝ նոյնպիսի յաջողութեամբ:—Ամօթ և նախատիք է, որ միսիոնարները օգուտ են քաղում մի համազգային դժբաղդութիւնից, իրենց դուռնափոստների ցանկը մեծացնելու: Չափից աւելի ձգտուած և եռանդ ցոյց տալով՝ տարածելու իրենց ազդեցութիւնը հայ ժողովրդի որչափ կարելի է աւելի մեծ մասի վերայ, նոքա այժմ աւելի ատելի են դարձնում իրենց հայերի աչքում քան երբ և իցէ, Հայրս անցեալ շարաթ մի խնդիր ստացաւ Էջմիրեկի թաղական խորհրդից, ուր տեղի է

\* The Sun. 24 յունուար 1897. Գնդ. Ար. վարդուեան: